

孔

廟

禮

樂

考

孔廟禮樂考卷之二目錄

配享

配位說

從祀

孔門弟子四字歌

孔門弟子二字歌

孔門弟子二字歌

孔門弟子同異考

姓名同異

生司昆

名同異

字同異

邑里同異

年歲同異

倫序同異

正複姓

正諱名

正位次

位次說

大明會典位次

會典祀典禮樂志位次同異

周末儒年表

漢儒年表

清儒止王通一人不必作年表
唐儒止韓愈一人不必作年表

宋儒年表說

元儒止許衡一人不必作年表

宋儒年表一

以生之先後為序

宋儒年表二

以卒之先後為序

明儒年表

考定東廡位次

考定西廡位次

孔廟禮樂考卷之二

明後學江漢瞿九思著
明後學平陽史學遷刻
明後學曹訓董漢儒校

配位說

祀典有主有配。禮記郊特牲云。大報天而主日。方氏以爲天尊而無爲。可祀之以其道。不可主之以其事。故止以日爲之主。猶之王燕飲。則主之以大夫。王嫁女。則主之以諸侯。是則所謂主也。祭義云。郊之祭。大報天而主日。配以月。陳澧云。有其祀。必有其配。故又

配以月。猶神社必配以勾龍氏。即子日。后土。能平九州。故祀以祀稷。必配以后稷。即祭法所謂周棄繼爲社者。故祀以爲稷者。是則所謂配也。主必有配者何。春秋傳所謂自外至者。無主不止是也。主無二配者何。夏文愍所謂郊廟之尊。明不敢墮是也。故西伯以高祖配天。東漢惟以光武配帝。最得二代遺意。至唐初始有兼配之事矣。然垂拱中。禮官希旨。郊丘諸祠。雖有三祖同配之禮。而開元十年。明皇即罷三祖同配。是唐制亦惟一配。永至道三年。親郊園丘。雖以太祖太宗並配。而景祐

二年仍以太祖定配其後雖三祖同配至楊敞王珪
極言非禮而嘉靖七年仍以太祖定配是宋制亦惟
一配。國朝享先農惟配以后稷祭太社惟配以勾
龍祭太稷惟配以后稷是祀典之惟用一配已振古
於茲矣孔廟之禮自曹魏正始七年以顏淵專配孔
子而晉魏宋齊梁陳北齊後周隋蓋皆因之是前代
孔廟亦惟一配貞觀二十一年雖以左丘明卜子夏
二十二人並配永徽中雖改周公爲先聖孔子爲先
師顏子左丘明等爲從祀而顯慶二年以長孫無忌

等之議復行。改正是唐初孔廟亦惟一配。總章元年雖贈顏淵太子少師。曾參太子太保。而開元八年李元瓘猶奏。曾參孝道可崇。獨受經於夫子。塑惟二十二賢從曾子。而詔曰。曾參大孝。德冠同列。特爲塑像。坐於十哲之次。是唐宋孔廟亦惟一配。後唐長興二年。博士蔡同文奏。以交公顏子配坐。以閔子騫等爲十哲。宋初增修先聖亞聖十哲塑像。而太祖親贊孔顏。令命官釋奠。諸禮皆仍舊制。是五代宋初亦惟一配。至神宗元豐七年。以孟子與顏子並配。然後配享。有

二徽宗崇寧元年。以王安石與顏孟並配。然後配享。
有三欽宗靖康元年。黜安石配享。至咸淳三年。以曾
子子思並配。然後配享有四。夫前代郊廟一配者。即
羣議以爲是。而增置二配三配者。即羣議以爲非。且
文宣廟惟顏子一配。武成廟惟張良一配。此皆倣古
主無二配之意。爲之。而今者孔庭乃有四配。與郊配
不同者。蓋天道至尊而下。臨享祀。非有主。則不臨。方
氏所謂無主不止是也。若孔子則與顏曾輩本爲一
體。與天道人道不同。即多配固亦無害。但配乃匹休。

之義謂之曰配。須取與孔子相近者方可配之。顏淵去孔子僅未達一間。無論夫子思開闢聖蘊。直接真傳。曾子誠身。孟子盡性。去顏子果皆無幾。以之配享。允爲無忝。但周茂叔崛起千載。闡明聖學。程明道中和純粹。具體聖人。張子厚西銘正蒙。思精理到。程正叔朱元晦衛道最嚴。任道甚勇。皆有功後學。乾坤宇宙。自孔子視之。僅如一息。何論異代千載之下。苟有身任道統者。即如及門受業。何必同時。况孟子去孔子百有餘年。已非弟子。孟子旣可配享。則百年之後。

與千載之後何異恐五君亦未必果不可配享也。如以爲五子產於千載之後不宜踰越七十子之上則夾室之議似亦無害。如以爲配位不宜太多則朱子謂明道如元氣之會渾然天成又謂其太類顏子不知可獨以明道配享否也。

孔門弟子歌

四字

漆雕徒父 澹臺臧明 公祖句茲 咸登聖門

三字

漆雕開 漆雕哆 司馬耕 巫馬施 步叔乘 叔仲

以叔對叔

會 宓不齊 任不齊 宰父黑 黑以黑對黑 當當作宰父 穰駟赤端

木賜 顓孫師 南宮适 左人 郢石 作蜀 公孫尼

公孫龍 公孫興 家語作公孫興 史公西赤 公西

記作公孫興如

以上對公孫者數公伯等

藏 公良孺 公夏首 公堅定 公冶長 公皙哀 奚

容藏公伯寮兮句井疆顏之僕兮施之常藏若藏兮
仍未詳藏字本點字借作藏字讀

二字

顏路顏回顏祖

即顏回為祖顏祖
顏高顏噲顏辛

顏何冉雍冉季

冉求冉孺冉耕

秦商秦非秦祖

秦冉曾點曾參

三摩字
原憲原亢陳亢

一商字
卜商商澤商瞿

以康為侯以康為侯
繇亶縣成閔損

申枨申黨仲由

以若為字
孔忠言偃有若

以康為侯以康為侯
后虔伯處宰子

四各字
邾巽梁鱣燕伋

四各字
曹卨鄭國樊須

樂欬卽單狄黑

琴牢廉潔榮旂

七十子同異考

名數同異

家語七十二弟子解凡七十有六人史記仲尼弟子
列傳凡七十有七人漢文翁石室圖凡七十有二人
以家語視史記其同者凡七十有三人其異者家語
多陳亢懸圃琴牢三人史記多公伯寮秦冉卽單顏
何四人以家語視文翁石室圖其同者凡六十有四
人其異者家語多公西輿懸圃原桃公肩公夏守勾
井疆却選懸成八人文翁石室圖多遽瑗秦冉林放

奚容藏四人以史記視文翁石室圖其同者凡六十
有七人其異者史記多公伯寮公夏首公肩定鄭單
句井疆縣成原亢籍却異公西與如十人文翁石室
圖多琴牢陳亢遽瑗林放奚容藏五人其同異大畧
可槩見者如此。

姓名同異

薛

邦

家語作薛邦
子由占史作鄭邦

史記作鄭國

却

選

家語作却選
素隱曰文翁圖作國

史記作却異
蓋選漢高祖諱也

奚

藏

家語作奚藏
文翁石室圖作奚藏

又作容藏
史記作奚容藏

姓同異

原

憲

樞弓作憲

穰駟赤

家語作穰駟赤

石

虔

家語作伯虔

鄒單

史記作鄒單

宰父黑

家語作宰父黑

勾井疆

家語作勾井疆

懸成

家語作懸成

石作蜀

家語作石作蜀

禮樂考

卷二

懸即懸字

各同異

公冶長

索隱曰家語云各長

南宮适

史記作南宮括
家語作南宮适
一本作緇

曾

點

家語作曾點
史記作曾威

顏

由

家語作顏由
史記作顏無繇

漆雕開

家語作漆雕開
先聖大訓作漆雕憑

司馬耕

史記作司馬耕
家語作司馬黎耕

琴

張

論語家語俱作琴牢

申

枏

家語作申枏
漢文翁舊圖作申堂

史記作申堂

辛家語作顏辛

巫馬史記作巫馬施

梁家語作梁鯉

公析哀家語作公皙哀

史記作公皙哀

冉家語作冉肸

公孫龍家語作公孫龍

漆雕家語作漆雕

漆雕家語作漆雕徒父

顏家語作顏刻

禮樂考

卷二

公良儒

家語作公良儒
史記作公良孺

公夏守

家語作公夏守
史記作公夏首

公肩

家語作公肩
文翁石室圖作公肩定

史記作公堅

顏相

家語作顏相
史記作顏祖

榮祈

家語作榮祈
史記作榮旂

左郢

家語作左郢
史記作左人郢

公祖茲

家語作公祖茲
史記作公祖句茲

原桃

家語作原桃
文翁石室圖作原亢

史記作原亢籍

燕綬

家語作燕綬
史記作燕綬

叔仲會

家語作叔仲會
文翁石室圖作叔仲會

樂

欣

家語作樂欣
史記作樂欣

公西與

家語作公西與
子由古史作公西與

史記作公西與如

孔

弗

家語作孔弗
史記作孔忠

公西藏

家語作公西藏
史記作公西藏

字同異

孟

軻

漢書注作字子車
正義作字子輿

公培長

史記作字子長
索隱曰范甯云字子芝

魯

點

家語作字子皙
史記作字子皙

禮樂考

卷三

家語作字子皙

顏 由 史記作字路

漆雕開 家語作字子開

有 若 家語作字子有

琴 張 家語作字子開 一字張 文翁石室圖作字子張

申 振 家語作字子周

陳 亢 家語作字子亢 一字禽

巫馬期 家語作字子期

公析哀 家語作字季沉

冉 儒 家語作字子魚 史記作字子魯 一作魯

旧 虔 家語作字楷一本字子楷一本字子哲

秦 商 家語作字不慈 左傳作字丕茲

漆 雕 從 家語作字子文 史記作字子有

商 澤 家語作字子秀

穰 駟 赤 家語作字子徒

任 不 齊 家語作字子選

公 良 儒 家語作字子正 幼

公 夏 守 家語作字子乘

公 肩 家語作字子仲

文翁石室圖作字子中

石 虔 家語作字里之

奚 藏 家語作字子偕

史記作字子哲

宰父 黑 家語作字子黑

顏 相 家語作字子襄

左 郢 家語作字子行

勾井 疆 家語作字子疆

關里志作字子野

薛 邦 家語作字子從

原 桃 家語作字子籍

懸 成 家語作字子祺

潔

家語

作字子庸

一本作字子庸

燕

家語

作字子思

顏之僕

家語作字子叔

邾

家語

作字子欽

狄

家語

作字子哲之一作子哲

公西藏

家語作字子尚

施之常

家語作字子常

邑里同異

公冶長

家語作魯人

高柴

家語作齊人
史記作衛人

漆雕開

家語作蔡人
史記作魯人

樊須

家語作魯人
史記作齊人

巫馬期

家語作陳人
史記作魯人

公孫寵

家語作衛人
史記作楚人
又云趙人

秦商

文翁石室圖作魯人
史記作楚人

奚藏

文翁石室圖作魯人
史記作衛人

燕緞

文翁石室圖作秦人
一作魯人

叔仲會

家語作魯人
史記作晉人

年齒同異

言

偃

家語作少孔子三十五歲

澹臺

家語作少孔子三十九歲

高

柴

家語作少孔子四十歲

樊

須

家語作少孔子四十六歲

有

若

家語作少孔子三十六歲

梁

鱣

家語作少孔子三十九歲

叔仲會

家語作少孔子五十一歲一本少五十四歲

倫序同異

高

柴

家語作高氏別族

文翁石室圖作陝仲高侯十代孫

孔

弗

家語孔弗字子蔑作孔子兄弟

史記孔忠字子蔑作孔子兄孟皮之子

正複姓

公祖句茲 公孫尼 公孫輿 公孫龍

公西赤 公西藏 公冶長 公皙哀

公肩定 公夏首 公良孺

公祖句茲者此蓋姓二字名二字公孫尼公孫輿公孫龍公西赤公西藏者此蓋姓二字名一字皆易辨公冶長夫子子壻學者榮父知公冶爲姓長爲名亦不論獨公皙哀公肩定公夏首公良孺其孰爲姓孰爲名不可知然愚觀春秋列國凡公氏多複姓無獨

以公字為氏者蓋當時諸大夫公族多以王父字為

氏如魯大夫季悼子之子靖字公父則其後自有公

父氏

公父文伯魯大夫

如季悼子之子鞅字公之則其後自

有公之氏

公之魚魯大夫

如衛悼公子堅字公石則其後自

有公石氏如衛獻公子楚字公南則其後自有公南

氏如衛獻公子甯字公叔則其後自有公叔氏

公叔文子

如衛公子摯字公孟則其後自有公孟氏且魯有公

山氏

公山不狃

公儀氏

公儀僭公儀休公儀仲子

公叔氏

大公明氏

公儀

明明高公明公宣武城人

公若氏

公若藐叔孫族

公歛氏

公歛處父湯

公輸氏

公輸公慎氏。公索氏。公罔氏。衛有公文氏。大夫公公。

賓氏。大夫公公明氏。大夫公齊有公冉氏。宰公冉公。

王氏。公王何承天姓苑。鄭樵通志。王應麟玉海。復有。

公正氏。古公古氏。公乘氏。公行氏。公都氏。公丘氏。公。

士氏。公上氏。公師氏。公沙氏。公禱氏。公荆氏。公金氏。

公族氏。公緒氏。公基氏。公朱氏。公戶氏。公扈氏。公牛。

氏。而孔子弟子復有公冶氏。公西氏。公祖氏。公孫氏。

皆複姓。無以公爲氏者。蓋列國諸大夫。旣不能獨以。

一公字爲字。則其孫自不能獨以一公字爲姓。然則。

公皙氏。公肩氏。公夏氏。公良氏皆複姓。不章章較著。
耶。魯昭公公子衍公子爲。雖以父失國故。去其字。獨
以公爲氏。然古者以王父字爲氏。公衍公爲必四五
十年後其孫已少長。方以其字爲氏。又必三四十年
然後其族姓繁。其四世族姓亦必年已十七八方能
從孔子游。昭公二十五年。申申孫如齊時。孔子已年
三十五。又三十八年而孔子已卒。安得三十八年之
間。公衍公爲遽有四世孫。七八歲者爲孔子弟子。
則公皙。公夏。公良。公肩之爲複姓而必非公。亦

不待辯說而自明矣。

今神主書先
賢公子恐非公皙哀

公皙氏其先本姬姓衛公子黑背字子皙故其後以
公皙爲氏鄭之公孫黑雖亦字子皙然其後以子皙
爲氏非公皙衛既有公皙氏則公皙必複姓公皙哀
當改書先賢公皙子無疑。

古人多名哀觀公牛羊角皆複姓而古公牟哀羊角
哀皆以一哀字命名可見。

今神主書先
賢公子恐非公肩定

公肩氏家語作公肩定史記作公肩定通志作公齊
定宛委編作公肩定觀禮記有公肩瑕則公肩必複
姓公肩定當改書先賢公肩子無疑

今神主書先賢公肩子恐非

公夏首

公夏氏其先本媯姓陳公子少西字子夏故其後以
八夏爲氏觀王海載魏有公夏浩則公夏必複姓公
夏首當改書先賢公夏子無疑

今神主書先賢公肩子恐非

公良孺

通志寓姓譜皆定載公良爲複姓必非無據古人多

以一孺字命名。觀七十子有冉孺。則公良必複姓。公良孺當改書先賢。公良子無疑。

今神主書先賢叔二恐非叔仲會

叔仲氏其先本姬姓。魯公子牙之後。公孫茲生二子。

長得臣。次彭生。得臣爲叔孫氏。彭生爲叔仲氏。有叔

仲皮。叔仲惠伯。叔仲昭伯。即叔仲帶叔仲穆子。即叔仲小叔仲

會其族也。叔仲既複姓。則叔仲會當改書先賢。叔仲

子無疑。

今神主書先賢步子恐非步叔乘

春秋時列國羣公子多字某叔某叔如仲孫叔孫季

孫之類至一再傳其孫即以王父字為氏故以某叔

為姓者獨最焉如周有榮叔氏王叔氏王叔虎魯有子

叔氏子叔躬子叔聲伯子叔疑公叔氏大夫公叔務人惠叔氏大夫衛有公

叔氏公叔文子太叔氏太叔儀仲叔氏仲叔于奚晉有中叔氏中叔

圍中叔無忌陶叔氏陶叔真鄭有共叔氏共叔段滕有滕叔氏

叔繡之後楚有申叔氏大夫申叔時申叔豫秦有廖叔氏大夫廖叔

惠則步叔必複姓况吳沉千家姓已明載步叔氏宮

音出魯郡為複姓則步叔乘當改書先賢步叔子無

疑

今神主書先賢勾子恐非 勾井疆

勾井乃共工氏之後爲土正勾氏乃勾芒氏之後爲木正通志有鈎弋氏勾龍氏罕井氏關西有罕井氏則勾井必複姓則勾井疆當改書先賢勾井子無疑

今神主書先賢穰子恐非 穰駟赤

田穰苴之後爲穰氏鄭穆公公子駢字子駟其後爲駟氏皆非卽穰駟穰駟自別有氏吳沉千家姓載穰駟出京北爲商音宛委編已定載穰駟腹姓則穰駟

赤當改書先賢穰駟子無疑

今神主書先

賢左子恐非

左人即

古人本周禮多以官為姓氏如周之王人氏封人氏

魯之雍人氏

雍人

邑

圉人氏

圉人

衛之行人氏

行人

陳之行人氏

行人

晉之寺人氏

寺人

宋之厨人氏

厨人

濊齊之徒人氏

徒人

雖未必盡姓氏然晉之聞人

氏

聞人

鄭之子人氏

子人

則皆著姓所謂左人者

盖周守左封畿之官猶周有北人氏

北人

楚有左史

氏

左史

左尹氏

楚却宛之後穀梁有左史子息

右尹氏

楚公

秦有左

師氏

左師觸龍

宋有右師氏

公子申

晉有右行氏

右行賈衛

有右宰氏

右宰醜

鄭樵通志吳沉千家姓皆定載左人

出魯郡為複姓則左人郢當改書先賢左人子無疑

今神主書先賢石子恐非

石作蜀

石作氏本周公之子胙侯子孫因避地改為作氏故

後世鮮知者陳士元名疑已定載石作複姓則石作

蜀當改書先賢石作子無疑。

今神主書先賢石子恐非

奚容藏

古複姓有慕容氏默容氏則奚容必複姓且春秋時

多以一藏字命名。即孔門已有曾藏公西藏則此奚容藏意必藏其名而奚容則其姓。陳士元名疑既定載奚容複姓則奚容藏當改書先賢奚容子無疑。

今神主書先
宰父黑

古姓氏如周之皇父氏魯之公父氏。大夫公父敬富

父氏。富父終生富父槐夏父氏。夏父弗忌宗宋之夏父

氏。大夫夏父微事父氏。事父子姓鄭之封父氏。大夫封父真楚之慶

父氏。工正慶父籍趙之徒父氏。徒父通志之甲父氏單父

氏靡父氏皆複姓則宰父正其顛况通志千家姓已

定載宰父出魯郡爲複姓則宰父黑當改書先賢宰父子無疑。

按通志萬姓譜複姓內皆無宰父氏其宰父皆作宰父。蓋古人多以官爲氏故太師氏師氏司馬氏司寇氏司徒氏司空氏司城氏司工氏司功氏司鴻氏史氏南史氏太史氏內史氏王史氏侯史氏祝史氏左史氏右史氏左尹氏右尹氏連尹氏季尹氏沈尹氏芊尹氏箴尹氏樂尹氏古尹氏藍尹氏清尹氏工尹氏門尹氏監尹氏陵尹氏廐尹氏宰氏宰氏范彞傳云

義師計然姓宰氏字文子古以官為氏如此類宰氏字文子右宰氏皆官名者甚多不可勝載父氏即宰氏宰氏氏右宰氏左尹氏右尹氏連尹氏之顓家語孔子弟子作宰父黑最是通志萬姓譜宰父下已定載孔子弟子宰父黑不謂史記偶誤書宰父黑遂相沿至今耳似當改正。

左丘明

周既有浮丘氏浮丘伯魯既有謝丘氏瑕丘氏桓公齊既有梁丘氏齊大陶丘氏齊大閭丘氏齊大廩丘氏齊大齊大夫齊大夫籍丘氏籍丘子楚丘氏楚丘先生葵丘氏葵丘傾淄丘

氏

許潘丘

余丘氏

余丘

蔓丘氏

蔓丘

楚丘氏

楚丘

咸丘氏

丘氏晉既有虞丘氏

虞丘

狐丘氏

狐丘

吾丘氏衛既

有商丘氏鄭既有壺丘氏

壺丘

宛既有於丘氏

於丘

莒既有渠丘氏著丘氏楚既有軒丘氏苞丘氏

苞丘

何丘氏

何丘

姓苑既有逢丘氏羗丘氏厚丘氏獻丘

氏崎丘氏北丘氏萬姓譜既有龍丘氏莊丘氏梁丘

氏鄭丘氏蔡丘氏曹丘氏雍丘氏蛇丘氏安丘氏桑

丘氏水丘氏毋丘氏稷丘氏壯丘氏公丘氏乘丘氏

則左丘當是複姓所謂左丘蓋所居在左丘遂以命

氏亦猶西門氏

豹

北門氏

駟

東宮氏

得

南宮氏

牯

北

宮氏

點

東郭氏

書

南郭氏

子

北郭氏

車

東閭氏

西閭

氏市南氏社南氏社北氏東里氏東方氏東野氏南
野氏各以其所居地爲氏安可謂左乃姓左明乃名
也然左丘與夫子同時夫子以哀公十六年卒美不
應終哀公之世左丘猶存先儒謂齊春秋傳者乃左
史倚相之後世爲楚左史因以左爲氏一姓左史氏
非左丘明觀左傳載楚事獨詳則此說當是第相沿
旣久恐未易改耳

公冶長

通志複姓有幽冶氏

函片子覽

古冶氏故公冶氏為複姓

南宮适

按武王十亂有南宮氏

南宮括

宋有南宮氏

南宮長公牛

楚有南宮氏

楚大夫南宮極

故南宮氏為複姓

巫馬施

通志複姓宋有白馬氏將馬氏乘馬氏

乘馬絺乘馬絺乘馬延平

乘馬

駟馬氏

駟馬

漢有駟馬氏

駟馬

駟馬氏趣馬氏

趣馬

故巫馬氏為複姓

公羊高

通志複姓衛有孺羊氏

衛孺羊肩假羊

楚有屠羊氏

屠羊說

莒有苑羊氏

大夫苑羊牧

齊有浩羊氏

齊大夫浩羊嘉

修羊氏

修羊

公故公羊氏為複姓。

穀梁赤

通志複姓魯有中梁氏仲梁氏

仲梁懷仲梁閔

衛有疆梁氏

衛將軍文子生慎子會會生疆梁故其後遂為疆良氏

魏有魏梁氏楚有諸梁

氏秦有特梁氏卜梁氏故穀梁氏為複姓

高堂生

通志複姓漢有高堂氏

漢和帝尚書令高堂芝高堂伯人

魏有高堂

氏

魏平陽高堂隆高堂梯

晉有高堂氏

高堂仲

故高堂氏爲複姓

此卷左丘明公治長南宮适巫馬施公羊高穀梁
赤高堂生之下不復云左丘明當改書先賢左丘
子無疑者是神主舊題原知左丘等爲複姓已書
先賢左丘子矣非若句井疆穰駟赤等神主原題
至誤以姓爲名以名爲姓故須與剖斷明白曰當
書先賢句井子無疑云云也

正諱名

句井疆當復更爲勾井疆

姓氏有勾井無句井以勾作句避宋高宗諱耳夫二
名不偏諱今以高宗名構不獨避其字且至避其音
似亦太過惟前代君忌諱故勾濤則本音鈎光祖則
勾字旁加金字勾龍如淵則勾字加龍字句思則
勾字易口字絢紡則句字旁加絲字可諱則句字上
加草字勾氏之易爲鈎氏勾氏之加爲勾龍氏勾氏
之易爲句氏已異矣而句氏復易爲鈎氏復易爲苟

氏姓氏既更世系莫辨不出百年必有以同姓爲婚
媾者而其原皆起於忌諱太過千載以來獨

昭代避御諱之法最寬。

聖度恢宏真度越前代萬萬矣。

鄭國當復更爲薛邦 却異當復更爲邦選

家語薛邦字徒史記作鄭國字子徒漢高帝諱邦漢
以避帝諱故遂易邦爲國又以薛國音相近不許讀
復展轉更易遂至移邦字右旁於姓而易薛爲鄭家
語邦選字子欽史記作却異字子欽文翁石室圖作

國選此亦以避高帝諱或取邦與邾字相近而易邾爲邾或取國與邦義相當而易邾爲國邾字既易又其後展轉顛錯遂至去選字下方而易選爲巽夫薛邦之邦猶名也易其名猶可也若邦選之邦則其姓累世所傳姓可易耶今以避帝諱乃至并前代賢者名與姓並易之此與宋真宗諱恒乃至易恒卦爲常卦何異司馬遷文翁俱漢臣自不得不從當世然家語俱在今誠以鄭國仍更爲薛邦邾巽仍更爲邦選或亦是慰藉二子地下矣

均一邦選也。而或訛爲却異。或訛爲國選者。蓋當時第有詔令。凡值帝諱必改避它字。未必有令甲云遇某字必易爲某字。遇某字必易爲某字。故天下遇帝諱各得以已意審度。或第取義相近。或第取音相近。或第取文相近。改更之。邦之於國。是所謂義相近。邦之於却。選之於異。是所謂文相近。薛之於國。異之於鄭。是所謂音相近。夫前賢有定名矣。而紛紜變易。至令人不可辨識。漢法之過嚴如此。

亦用人所未發 正位次

孔廟享祀諸儒自四配十哲之外東廡以澹臺滅明
原憲南宮适商瞿等爲序西廡以宓不齊公冶長公
皙哀高柴等爲序不知何據如以爲論齒則史記載
澹臺滅明少孔子三十九歲宓不齊少孔子四十九
歲其年皆少不宜反居商瞿少孔子二十九歲高柴
少孔子三十歲者之上如以爲循孔子家語七十二
弟子解之序則家語首澹臺滅明次高柴次宓不齊
次樊須次有若次公西赤次原憲與今兩廡序次不

合如以爲循闕里志從祀之序則闕里志首臧明次
不齊次适次長次憲次公皙哀次曾點次顏無繇次
柴亦與今兩廡序次不合至於文翁石室圖序次左
未暇論不知其以何爲據如以爲循史記仲尼弟子
列傳之序則弟子列傳自臧明至漆雕開雖同而司
馬耕樊須有若公西赤之後又復互更互易不知何
說大氏開元時所定從祀之位皆盡循史記仲尼第
子序次此制一定遂歷代相沿以至於今耳夫治道
貴因因之誠是孔子謂吾猶及史之闕文又謂君子

於其所不知。蓋闕如。又謂。爰聞闕疑九思。豈敢謂所
定諸位。猶有未核總之。世代綿邈。載籍殘缺。卽欲論
德。於何所考其小太。卽欲論齒。於何所徵其長幼。豈
可復取已定之位。更紛紛易置邪。但方今廡制。若以
其神主東西相參會而爲一。以考其前後序次。則公
羊高乃周末齊人。而反在七十子申枨之前。伏勝秦
漢間人。而反在七十子顏喟之前。孔安國漢武時人。
而反在周末穀梁赤之前。董仲舒漢景武時人。而反
在漢初高堂生之前。王通隋人。而反在漢武時毛萇

之前周惇頤宋太宗時人而反在漢宣時后蒼之前
歐陽修宋真宗時人而反在漢平時杜子春之前張
載宋仁宗時人而反在唐韓愈之前程頤本第而反
在其兄程顥之前朱熹本宋孝光時人而反在宋神
哲司馬光之前薛瑄正統時人而反在宋寧宗時陸
九淵之前王守仁嘉靖時人而反在元許衡之前其
餘前後稍稍倒置尤有不能盡言者若謂兩廡神主
惟以從祀前後之歲年爲序不以諸儒前後之世次
爲序則董仲舒祀於洪武二十九年不宜躋於淳祐

元年所祀周惇頤程頤張載之上王通祀於嘉靖九年不宜躋於唐貞觀二十一年所祀毛萇之上。后蒼歐陽修祀於嘉靖九年不宜躋於貞觀二十一年所祀杜子春之上。胡瑗祀於嘉靖九年不宜躋於宋淳祐元年所祀朱熹之上。而方今國朝所祀諸儒之主爰在唐宋所祀諸儒之上。又曷嘗以并祀前後之歲年爲序。抑愚嘗悉心玩之大氏議禮者惟以前代所定東西廡爲定制。原在東廡者即仍居東廡。原在西廡者即仍居西廡。不復東西以次遞遷。如東廡第

二十八位類何已黜卽以東廡第二十九位狄黑居之。不復移西廡第二十八位叔仲會於東以補之。如東廡第三十七位荀兄已黜卽以東廡第三十八位穀梁赤居之。不復移西廡三十七位公羊高於東以補之。如西廡第六位公伯寮已黜卽以西廡第七位樊須居之。不復移東廡第七位司馬耕於西以補之。如西廡第十八位秦冉已黜卽以西廡第十九位公肩定居之。不復移東廡第十九位奚容藏於西以補之。此雖簡便然東廡移祀改祀革祀黜祀者不過

黜顏何荀况劉向鄭衆盧植服虔王肅杜預九人而
西廡移祀改祀革祀黜祀者至有顏無繇蘧瑗林放
秦冉申黨公伯寮戴聖賈逵馬融鄭玄何休王弼范
甯吳澄一十四人。西廡之闕既不以東廡之主補之
而就西遞遷者既愈遷而愈上則周漢之儒友在唐
儒之後唐宋之儒友在漢儒之前此亦其勢所必至
又何怪乎當時議者蓋見於商周宗廟之制不以南
北互遷惟各就南昭北穆以次遞遷而上使昭常爲
昭而不得混之於穆穆常爲穆而不得混之於昭故

兩無諸儒之次亦欲倣此行之此誠意在遵古夫復何言顧愚嘗思之昭穆之說卽派行之謂當一輩自爲一輩不容混亂譬如父爲帝居昭天子爲帝居穆矣而此帝無嗣其弟繼立則此弟亦當爲穆設此帝又復無嗣而又以其弟相繼嗣立則此弟亦復爲穆商之祖丁爲昭太不惟其子陽甲繼南庚而立者爲穆卽陽甲之弟盤庚繼陽甲而立者盤庚之弟小辛繼盤庚而立者小辛之弟小乙繼小辛而立者亦皆爲穆何者祖丁爲父此爲一輩自當居昭陽甲盤庚

小辛小乙俱爲兄弟此又爲一輩自當居穆祖丁南
庚爲昭矣陽甲爲穆矣盤庚本陽甲之弟若盤庚明
而卽遷於南爲昭則是陽甲與盤庚涉於父子而不
得謂之兄弟小辛本盤庚之弟若小辛崩而卽遷於
北爲穆則是盤庚與小辛涉於父子而不得謂之兄
弟故同堂異室之制所以惟次第遞遷而上不復南
北互遷者正使一輩自爲一輩不至令兄弟混爲父
子其制何妙若從祀諸儒既非有父子之親又非有
祖孫之倫何嫌何疑而乃亦不復序遷耶譬如宗族

宴會其祖既南嚮而坐矣。則其第一世諸子諸侄不問長幼俱當列坐於東。第二世諸孫諸侄不問長幼俱當列坐於西。第三世諸孫諸侄不問長幼又當列坐於東。第四世諸孫諸侄不問長幼又當列坐於西。至若賓朋宴會。既分屬夫親仍序昭穆之外。其餘俱當以年齒爲序。別無它道。設謂大禮必簡。若東遷西移不免煩亂。則人主四時廟享之制。惟孟春特約各祭於群廟。以各全其尊。若夏禘秋嘗冬烝。則皆奉群廟之主合食於太祖之前。時奉而入。時捧而出。倏在

於此條而於彼不以爲禮煩則亂况從祀之改革或更歷數十年一易或更歷數百年一易乃反以爲煩難不復更易何耶譬如孔子在洙泗之上雅頽路頽淵曾皙曾參之坐席方昭穆截然不易若其餘諸子凡有自外至者自當論齒隨至隨更東西易席此萬古不易之理恐不得引昭穆之制以爲說也除隋儒惟王通一人唐儒惟韓愈一人元儒惟許衡一人無待序次外其周儒漢儒宋儒謹循其先後世次列爲年表以待更定至於七十子則既不能明辨其德又

不能灼知其年第當據依原席東西互遷不必更爲之說矣

大明會典位次

東一澹臺凝明

西一宓不齊

東二原憲

西二公冶長

東三南宮适

西三公皙哀

東四商瞿

西四高柴

東五漆雕開

西五樊須

東六司馬耕

西六公西赤

東七有若

西七梁鱣

東八巫馬施

西八冉孺

東九顏 辛

西九伯 虔

東十曹

西十冉 季

東十一公孫龍

西十一漆雕徒父

東十二秦 商

西十二漆雕哆

東十三顏 高

西十三商 澤

東十四穰駟赤

西十四任不齊

東十五石作蜀

西十五公良孺

東十六公夏首

西十六公肩定

東十七后 虔

西十七卽 單

東十八奚容蒧

西十八罕父黑

東十九頽祖

西十九榮旂

東二十句井疆

西二十左人郢

東二十一秦祖

西二十一鄭國

東二十二縣成

西二十二原亢

東二十三公祖句茲

西二十三廉潔

東二十四燕伋

西二十四叔仲會

東二十五樂欬

西二十五公孫輿

東二十六狄黑

西二十六邾巽

東二十七孔忠

西二十七陳亢

東二十八公西戲

西二十八琴張

東二十九顏之僕

西二十九步叔乘

東三十施之常

西三十左丘明

東三十一秦非

西三十一公羊高

東三十二申根

西三十二伏勝

東三十三顏噲

西三十三孔安國

東三十四穀梁赤

西三十四董仲舒

東三十五高堂生

西三十五王通

東三王六毛 萇

西三王六周惇順

東三十七后 蒼

西三十七歐陽修

東三十八杜子春

西三十八張載

東三十九韓愈

西三十九程頤

東四十程顥

西四十胡瑗

東四十一邵雍

西四十一朱熹

東四十二司馬光

西四十二呂祖謙

東四十三胡安國

西四十三蔡沉

東四十四楊時

西四十四真德秀

東四十五張、杖

西四十五薛瑄

東四十六陸九淵

西四十六王守仁

東四十七許衡

西四十七陳獻章

東四十八胡居仁

兩廡從祀諸儒次序不同之圖

東廡第一位

重脩大明會典沿革卷四
嘉靖祀典沿革卷四
文廟禮樂志沿革卷四

西廡第一位

重脩會典必不齊
嘉靖祀典必不齊
文廟禮樂志必不齊

東廡第二位

重脩會典原憲
嘉靖祀典原憲
文廟禮樂志原憲

西廡第二位

重脩會典公怡長
嘉靖祀典公怡長
文廟禮樂志公怡長

東廡第三位

重脩會典南宮适
嘉靖祀典南宮适
文廟禮樂志南宮适

西廡第三位

重脩會典公晉哀
嘉靖祀典公晉哀
文廟禮樂志公晉哀

東廡第四位

重脩會典商瞿
嘉靖祀典商瞿
文廟禮樂志商瞿

西廡第四位

重脩會典高柴
嘉靖祀典高柴
文廟禮樂志高柴

東廡第五位

重修會典梁淵開
嘉靖祀典梁淵開
文廟禮樂志梁淵開

西廡第五位

重修會典樊須
嘉靖祀典樊須
文廟禮樂志樊須

東廡第六位

重修會典司馬耕
嘉靖祀典司馬耕
文廟禮樂志司馬耕

西廡第六位

重修會典公西赤
嘉靖祀典公西赤
文廟禮樂志公西赤

東廡第七位

重修會典有若
嘉靖祀典有若
文廟禮樂志有若

西廡第七位

重修會典梁鱣
嘉靖祀典梁鱣
文廟禮樂志梁鱣

東廡第八位

重修會典巫馬施
嘉靖祀典巫馬施
文廟禮樂志巫馬施

西廡第八位

重修會典冉孺
嘉靖祀典冉孺
文廟禮樂志冉孺

東廡第九位

重修會典顏辛
嘉靖祀典顏辛
文廟禮樂志顏辛

西廡第九位

重修會典伯虔
嘉靖祀典伯虔
文廟禮樂志伯虔

東廡第十位

重修會典曹卹

西廡第十位

重修會典卹季

嘉靖祀典曹卹
文廟禮樂志曹卹

嘉靖祀典卹季
文廟禮樂志卹季

東廡第十一位

重修會典公孫龍

西廡第十一位

重修會典漆雕後

嘉靖祀典公孫龍
文廟禮樂志公孫龍

嘉靖祀典漆雕後
文廟禮樂志漆雕後

東廡第十二位

重修會典秦商

西廡第十二位

重修會典漆雕後

嘉靖祀典秦商
文廟禮樂志秦商

嘉靖祀典漆雕後
文廟禮樂志漆雕後

東廡第十三位

重修會典顏高

西廡第十三位

重修會典商澤

嘉靖祀典顏高
文廟禮樂志顏高

嘉靖祀典商澤
文廟禮樂志商澤

東廡第十四位

重修會典陳騶赤

西廡第十四位

重修會典任不齊

嘉靖祀典陳騶赤
文廟禮樂志陳騶赤

嘉靖祀典任不齊
文廟禮樂志任不齊

東廡第十五位

重修會典石作劉
嘉靖祀典石作蜀
文廟禮樂志石作蜀

西廡第十五位

重修會典公良孺
嘉靖祀典公良孺
文廟禮樂志公良孺

東廡第十六位

重修會典公良孺
嘉靖祀典公良孺
文廟禮樂志公良孺

西廡第十六位

重修會典公良孺
嘉靖祀典公良孺
文廟禮樂志公良孺

東廡第十七位

重修會典后度
嘉靖祀典后度
文廟禮樂志后度

西廡第十七位

重修會典后度
嘉靖祀典后度
文廟禮樂志后度

東廡第十八位

重修會典吳家
嘉靖祀典吳家
文廟禮樂志吳家

西廡第十八位

重修會典吳家
嘉靖祀典吳家
文廟禮樂志吳家

東廡第十九位

重修會典顏祖
嘉靖祀典顏祖
文廟禮樂志顏祖

西廡第十九位

重修會典顏祖
嘉靖祀典顏祖
文廟禮樂志顏祖

東廡第三十位

重修會典句并經
嘉靖祀典句并經
文廟禮樂志秦祖

西廡第三十位

重修會典左人野
嘉靖祀典左人野
文廟禮樂志左人野

東廡第二十九位

重修會典秦祖
嘉靖祀典秦祖
文廟禮樂志句并經

西廡第二十九位

重修會典鄭國
嘉靖祀典鄭國
文廟禮樂志鄭國

東廡第二十八位

重修會典縣成
嘉靖祀典句并經
文廟禮樂志公祖句并經

西廡第二十八位

重修會典原亢
嘉靖祀典原亢
文廟禮樂志原亢

東廡第二十七位

重修會典公祖句并經
嘉靖祀典縣成
文廟禮樂志縣成

西廡第二十七位

重修會典康潔
嘉靖祀典康潔
文廟禮樂志康潔

東廡第二十六位

重修會典縣成
嘉靖祀典縣成
文廟禮樂志縣成

西廡第二十六位

重修會典叔仲會
嘉靖祀典叔仲會
文廟禮樂志叔仲會

東廡第三十五位

重修會典祭 效
嘉靖祀典顏之僕
文廟禮樂志顏之僕

西廡第三十五位

重修會典公西廡
嘉靖祀典却 巽
文廟禮樂志却 巽

東廡第三十六位

重修會典伏 黑
嘉靖祀典樂 坎
文廟禮樂志樂 坎

西廡第三十六位

重修會典却 巽
嘉靖祀典公西廡
文廟禮樂志公西廡

東廡第三十七位

重修會典孔 生
嘉靖祀典狄 黑
文廟禮樂志狄 黑

西廡第三十七位

重修會典陳 亢
嘉靖祀典陳 亢
文廟禮樂志陳 亢

東廡第三十八位

重修會典公西廡
嘉靖祀典于度忠
文廟禮樂志孔 忠

西廡第三十八位

重修會典琴 張
嘉靖祀典琴 張
文廟禮樂志琴 張

東廡第三十九位

重修會典顏之僕
嘉靖祀典公西廡
文廟禮樂志公西廡

西廡第三十九位

重修會典步叔素
嘉靖祀典步叔素
文廟禮樂志步叔素

東廡第三十位

重修會典施之常
嘉靖祀典施之常
文廟禮樂志施之常

西廡第三十位

重修會典左丘明
嘉靖祀典左丘明
文廟禮樂志左丘明

東廡第三十位

重修會典秦非
嘉靖祀典秦非
文廟禮樂志秦非

西廡第三十位

重修會典公羊高
嘉靖祀典公羊高
文廟禮樂志公羊高

東廡第三十位

重修會典申張
嘉靖祀典申張
文廟禮樂志申張

西廡第三十位

重修會典伏勝
嘉靖祀典伏勝
文廟禮樂志伏勝

東廡第三十位

重修會典顏喲
嘉靖祀典顏喲
文廟禮樂志顏喲

西廡第三十位

重修會典孔安國
嘉靖祀典孔安國
文廟禮樂志孔安國

東廡第三十四位

重修會典穀梁赤
嘉靖祀典穀梁赤
文廟禮樂志穀梁赤

西廡第三十四位

重修會典董仲舒
嘉靖祀典董仲舒
文廟禮樂志董仲舒

東廡第三十五位

重修會典高堂生
嘉靖祀典高堂生
文廟禮樂志高堂生

西廡第三十五位

重修會典王通
嘉靖祀典王通
文廟禮樂志后蒼

東廡第三十六位

重修會典毛萇
嘉靖祀典毛萇
文廟禮樂志毛萇

西廡第三十六位

重修會典周惇頤
嘉靖祀典周惇頤
文廟禮樂志王通

東廡第三十七位

重修會典后蒼
嘉靖祀典后蒼
文廟禮樂志杜于春

西廡第三十七位

重修會典歐陽修
嘉靖祀典歐陽修
文廟禮樂志周惇頤

東廡第三十八位

重修會典杜于春
嘉靖祀典杜于春
文廟禮樂志郭愈

西廡第三十八位

重修會典張載
嘉靖祀典張載
文廟禮樂志程頤

東廡第三十九位

重修會典韓愈
嘉靖祀典韓愈
文廟禮樂志司馬光

西廡第三十九位

重修會典程頤
嘉靖祀典程頤
文廟禮樂志張載

東廡第四十位

重修會典程顥

西廡第四十位

重修會典胡瑗

嘉靖祀典程顥

嘉靖祀典胡瑗

東廡第四十一位

重修會典邵雍

西廡第四十一位

重修會典朱熹

嘉靖祀典邵雍

嘉靖祀典朱熹

東廡第四十二位

重修會典司馬光

西廡第四十二位

重修會典呂祖謙

嘉靖祀典司馬光

嘉靖祀典呂祖謙

東廡第四十三位

重修會典胡安國

西廡第四十三位

重修會典蔡沉

嘉靖祀典胡安國

嘉靖祀典蔡沉

東廡第四十四位

重修會典楊時

西廡第四十四位

重修會典真德秀

嘉靖祀典張栻

嘉靖祀典真德秀

東廡第四十五位

重修會典張狀
嘉靖祀典楊時
文廟禮樂志

西廡第四十五位

重修會典薛瑄
嘉靖祀典薛瑄
文廟禮樂志陸九淵

東廡第四十六位

重修會典陸九淵
嘉靖祀典陸九淵
文廟禮樂志

西廡第四十六位

重修會典王守仁
嘉靖祀典陳獻章
文廟禮樂志蔡沆

東廡第四十七位

重修會典許衡
嘉靖祀典許衡
文廟禮樂志

西廡第四十七位

重修會典陳獻章
嘉靖祀典胡居仁
文廟禮樂志與德秀

東廡第四十八位

重修會典
嘉靖祀典王守仁
文廟禮樂志

西廡第四十八位

重修會典明居仁
嘉靖祀典
文廟禮樂志

周末儒年表

左丘明 孔子後魯人或曰姓左氏或曰官左史或曰楚左史倚相之後非孔子所謂左丘明耻之者。

公羊高 周末齊人。卜子夏弟子。

穀梁赤 尸子曰名偃字元始顏師古曰名喜。周末魯人。卜子夏弟子。靡信以爲秦孝公同時人。

漢儒年表

伏勝 初爲秦博士漢興以尚書教齊魯之間文

帝時勝已九十餘

高堂生 漢興爲博士

董仲舒 景帝時爲博士武帝時舉賢良爲江都相

孔安國 武帝時考論尚書承詔作傳引序

毛萇 武帝時爲河間獻王博士雖與安國同時

然子夏詩序授魯申申授李克克授孟仲

子仲子授根牟子根牟子授荀卿卿授毛

車。自始授養。則長視安國差後。

后 蒼 宣帝時爲博士官至少府。

杜子春 哀平時人受周禮於劉歆。東漢明帝永平
初年。子春已九十。

宋儒年表說

齒與德俱達尊故前代祀典亦有論齒者亦有論爵者古人以德詔爵論爵卽論德也子路曾皙冉有公西華侍坐朱子謂四子侍坐以齒爲序則聖門之道似是論齒有宋從祀諸儒雖產於千載之下然旣在孔廟卽如侍坐於夫子一般其神主次序自當論齒况張載乃二程表叔胡瑗乃太宗時前輩歐陽修產於真宗之朝其作瑗墓表尚稱爲先生孫復石介文產於胡瑗之後修作復介墓表亦稱之爲先生瑗以

仁宗嘉祐四年巳卒而胡安國相去三朝以神宗熙
寧七年始生。今胡瑗之主友在安國之下。且歐陽文
忠乃周子前輩而其在周子之下。司馬文正公
乃二程子前輩而其在二程子之下。況廟中坐
次以周敦頤程顥修邵雍張載司馬光程頤胡
安國胡瑗張栻朱熹楊時呂祖謙陸九淵蔡沈真德
秀爲序。皆不知何說。豈論德不論齒。亦不論世代先
後邪。愚嘗思之。凡孔子家語所謂某人少孔子幾十
幾歲某人少孔子幾十幾歲大氏皆想像附會之譚

不足盡信禮記仲尼燕居篇所謂子張子貢言游侍
其年齒已不可考矣孟武伯問仁章旣先由而後求
赤聞斯行諸章可使從政章可謂大臣章亦先由而
後求則四子侍坐章由點之序於前求赤之序於後
必是論齒顏子在聖門最少閔子之年亦少閔子顏
子必不會長於子路蓋各言志章以顏淵先於子路
曰顏淵季路侍閔子行行章以閔子先於子路此兩
章似又是論德聖門坐次旣論齒又論德則周惇頤
程顥是首開道學之傳者即先於歐陽修邵雍張載

司馬光何害然愚又思之侍側是偶然侍立或不必
論齒故閔子顏子可先子路若侍坐則布席自有定
序非造次立侍可比故子路曾皙必先求亦况蓋各
言志章子路畢竟先對則聖門之論齒可知聖門旣
論齒恐從祀神主還當以論齒爲正余故取宋史列
傳宋名臣言行錄宋琬琰錄與其家乘年譜神道碑
墓表墓誌銘行狀紀傳博加考訂而宋時誌狀碑碣
定例惟載卒時年月及享年幾何皆未有紀載所生
年月者余不得已乃卽其卒時年月逆而推之以得

其所生之歲。又於諸史乘有載某歲登進士。時年幾
十幾歲。其歲爲某官。時年幾十幾歲。其歲罷官。時年
幾十幾歲者。逆推之。如載程頤以皇祐二年上書闕
下。時年十八。呂申公以治平三年薦頤於朝。時頤年
三十四。楊時以紹興七年除秘書郎。時年六十七。以
宣和四年罷祠。時年七十之顛。卽據此逆推而上。參
互考訂。以驗知其所生之年。果爲某歲。其歲謹勒爲
年表於後。其一以誕生之先後爲序。其一以卒時之
前後爲序。其以卒時之前後其爲年表者。蓋古人有

以先死者爲前輩之說卽孔子亦謂後死者不得與
於斯文故勸爲二表如此然以愚揆之兩廡神主終
當以誕生之前後爲序未知是否

宋儒年表一

登

宋太宗淳化四年胡瑗生。

丁未

按琬琰錄歐文忠墓表皆載援嘉祐四年六月卒年六十七則逆推而上當是淳化四年癸巳生者。宋真宗景德四年歐陽修生。

歐文忠年譜載修以景德四年六月二十一寅時生不必復證之他書矣。

韓魏公墓誌銘載修以熙寧五年閏七月二十二日卒。年六十六。

辛亥

宋真宗大中祥符四年邵雍生。

按宋史道學傳宋道學名臣言行錄伊洛淵源錄程顥墓誌琬琰錄史纂左編皆載雍以熙寧十年七月初四日卒年六十七則逆推而上當是祥符四年辛亥生者。

丁巳

宋真宗天禧元年周惇頤生。

按宋史道學傳宋道學名臣言行錄伊洛淵源錄史纂左編皆載敦頤以熙寧六年六月初七日卒年五十七則逆推而上當是天禧元年丁巳生者。

宋

宋真宗天禧三年司馬光生。

司馬文正公年譜載光以真宗天禧三年己未生。不必復證之他書矣。

蘇文忠公忠清粹德牌及行狀載光以元祐元年九月丙辰朔卒年六十八。

唐

宋真宗天禧四年張載生。

按宋道學名臣言行錄伊洛淵源錄呂大臨狀皆載載以熙寧十年十二月卒年六十七則逆推而上當是天禧四年庚申生者。

壬申宋仁宗明道元年程顥生。

按宋史道學傳宋道學名臣言行錄伊洛淵源錄
琬琰錄史纂左編皆載顥以元豐八年六月十五
日卒年五十四則逆推而上當是明道元年壬申
生者。

癸酉宋仁宗明道二年程頤生。

按宋史道學傳宋道學名臣言行錄伊洛淵源錄
琬琰錄史纂左編皆載頤以大觀元年九月卒年
七十五則逆推而上當是明道二年癸酉生者。

癸巳 宋仁宗皇祐五年楊時生。

按宋道學名臣言行錄伊洛淵源錄胡文定銘史纂左編皆載時以紹興五年四月二十四日卒。年八十三則逆推而上當是皇祐五年癸巳生者。

甲寅

宋神宗熙寧七年胡安國生。

九月二十日

按宋道學名臣言行錄伊洛淵源錄史纂左編皆載安國以紹興八年四月十二日卒。年六十五則逆推而上當是熙寧七年甲寅生者。

庚戌

宋高宗建炎四年朱熹生。

九月十五日

按宋史道學傳宋道學名臣言行錄伊洛淵源錄
小學圖皆載熹以慶元六年二月卒年七十一。則
逆推而上當是建炎四年庚戌生者。

乙卯

宋高宗紹興五年張栻生。

按宋道學名臣言行錄伊洛淵源錄皆載栻以淳
熙七年二月卒年四十六。則逆推而上當是紹興
五年乙卯生者。

乙卯

宋高宗紹興五年蔡元定生。

按宋道學名臣言行錄建陽縣志西山墓表墓誌

皆載元定以慶元四年八月初九日卒年六十四
則逆推而上當是紹興五年乙卯生者

丁巳 宋高宗紹興七年呂祖謙生

按宋道學名臣言行錄史纂左編皆載祖謙以淳
熙八年七月卒年四十五則逆推而上當是紹興
七年丁巳生者

己未 宋高宗紹興九年陸九淵生

按宋道學名臣言行錄史纂左編皆載九淵以紹
熙三年十二月卒年五十四則逆推而上當是紹

興九年己未生者。

宋孝宗乾道三年蔡沉生。

按宋道學名臣言行錄建陽縣志九峯墓誌皆載沉以紹定三年五月壬辰卒年六十四則逆推而上當是乾道三年丁亥生者。

真德秀生

按伊洛淵源錄載秀以端平二年五月卒而不載其年幾何不能逆推以得其所生之年。它無可考見者。

宋儒年表二

巳亥

宋仁宗嘉祐四年六月胡

瑗卒

壬子

宋神宗熙寧五年閏七月歐陽修卒

癸丑

宋神宗熙寧六年六月周惇頤卒

丁巳

宋神宗熙寧十年七月邵

雍卒

丁巳

宋神宗熙寧十年十二月張

載卒

乙丑

宋神宗元豐八年六月程

顥卒

丙寅

宋哲宗元祐元年九月司馬光卒

丁亥

宋徽宗大觀元年九月程

頤卒

乙卯

宋高宗紹興五年四月楊時卒

戊午

宋高宗紹興八年四月胡安國卒

庚子

宋孝宗淳熙七年二月張栻卒

辛丑

宋孝宗淳熙八年七月呂祖謙卒

壬子

宋光宗紹熙三年十二月陸九淵卒

戊午

宋寧宗慶元四年八月蔡元定卒

庚申

宋寧宗慶元六年三月朱熹卒

庚寅

宋理宗紹定三年五月蔡沉卒

乙未

宋理宗端平二年五月魏德秀卒

此圖可無作。蓋因孔子有後死者之說偶一爲之。若信如古人以先死者爲前輩則蔡元定之卒在朱子之前是朱子反爲後輩而元定反爲前輩矣。

明儒年表

巳巳 洪武二十二年薛瑄生。

按瑄以天順八年甲申六月十五卒。年七十六。則逆推而上。當是洪武二十二年生者。

戊申 宣德三年陳獻章生。

按獻章以弘治十三年庚申二月十日卒。年七十三。則逆推而上。當是宣德三年生者。

甲寅 宣德九年胡居仁生。

按居仁以成化二十年甲辰二月十二日卒。年五

十一。則逆推而上。當是宣德九年生者。

辰

成化八年王守仁生

九月三十日丁亥

陽明年譜載守仁以成化八年九月丁亥生不必復證之他書矣。

以嘉靖七年戊子十一月二十九日辛卯卒。

考定東廡位次

第一位澹臺濬明

第二位南宮适

第三位原 憲

第四位商 瞿

第五位漆雕開

第六位樊 須

第七位公西赤

第八位梁 鱣

第九位冉 孺

第十位伯 虔

第十一位冉 季

第十二位漆雕哆

第十三位漆雕徒父

第十四位同 澤

第十五位任不齊

第十六位公良孺

第十七位奚容黶

第十八位顏祖

第十九位句井疆

第二十位秦商

第二十一位公祖句茲

第二十二位縣成

第二十三位燕伋

第二十四位顏之僕

第二十五位樂欬

第二十六位叔仲會

第二十七位邾巽

第二十八位公西與

第二十九位施之常

第三十位陳亢

第三十一位琴張

第三十二位步叔乘

第三十三位公冶高

第三十四位伏勝

第三十五位董仲舒

第三十六位毛萇

第三十七位杜子春

第三十八位韓愈

第三十九位歐陽修

第四十位周惇頤

第四十一位張載

第四十二位程頤

第四十三位胡安國

第四十四位張栻

第四十五位陸九淵

第四十六位真德秀

第四十七位薛瑄

第四十八位胡居仁

考定西廡位次

第一位必不齊

第二位公培長

第三位公皙哀

第四位高柴

第五位司馬耕

第六位有若

第七位巫馬施

第八位顏辛

第九位曹卹

第十位公孫龍

第十一位秦祖

第十二位顏高

第十三位穰駟赤

第十四位石作蜀

第十五位公夏首

第十六位后虔

第十七位公肩定

第十八位鄆旂

第十九位罕父黑

第二十位申黨

第二十一位榮旂

第三十二位左人郢

第二十三位鄭國

第二十四位原亢

第二十五位廉潔

第二十六位狄黑

第二十七位孔忠

第二十八位公西藏

第二十九位秦非

第二十九位申棖

第三十一位顏噲

第三十二位左丘明

第三十三位穀梁赤

第三十四位高堂生

第三十五位孔安國

第三十六位后詹

第三十七位王通

第三十八位胡瑗

第三十九位邵雍

第四十位司馬光

第四十一位程顥

第四十二位楊時

第四十三位朱熹

第四十四位呂祖謙

第四十五位蔡沉

第四十六位許衡

第四十七位陳獻章

第四十八位王守仁